

荃灣區議會
Tsuen Wan District Council謝旻澤議員
辦事處Office of
Tse Man Chak,
District Councillor+852 9247 7753
ronald.tse@officetmc.hk

新界青山公路荃灣段174-208段

荃灣多層停車場大廈2樓

荃灣區議會 環境、衛生及氣候變化委員會 主席

譚凱邦先生

譚主席：

要求就麗城花園一帶住宅發展項目對附近一帶環境影響進行詳細調查

最近得悉麗城花園附近寶豐路旁有兩塊綠化土地即將改變用途為住宅用地，但係政府仍未對外公布就該項目對附近環境影響作出詳細評估。

首當其衝當然係砍伐大量樹木嘅問題，大家都知道寶豐路旁邊都有唔少農地、果樹、植被，希望政府部門能夠對該發展地段進行樹木普查，提供詳細嘅樹木評估供市民大眾及議員考慮。除此以外亦希望向政府部門就大量砍伐樹木而造成嘅水土流失進行合理評估。因為寶豐路一帶都係斜坡，如果需要發展大型住宅項目嘅時候，土地能否支撐龐大嘅住宅用地亦都會成為其中一項比較關鍵嘅因素。另一方面，政府的文件亦有提及造成空氣唔流通嘅問題出現，所以都希望相關政府部門可以詳細解釋有關嘅改變點樣影響附近一帶居民。而且未來假如有建築工地嘅出現，亦會對附近屋苑造成持續而且龐大嘅噪音及空氣污染，因此希望相關政府部門可以提出相關措施減低以上情況對於附近屋苑所造成嘅影響。

因此希望相關政府部門能夠將完整嘅環境影響評估公開，並重新審視該地段發展住宅對環境嘅破壞係有幾嚴重。因此希望以下部門（但不限於）可以出席冰攜同詳細嘅評估內容及方法俾咁多位議員詳細參考：規劃署、環保署、運輸署、建築署、康文署、食環署等等。

順頌

大安

謝旻澤